

KUKWE NE KWRERE MIKANI GARE ABOKON BANAMA KÄKWE DIANI KISETE KAREKÄ JA KÄITE:

TÄRÄ NI MIKARA GOBRANE BANAMA

TÄRÄ NI MIKARA GOBRANE YE BÖTÄ TÄ TIKANI ÑAKARE, MERITRE NGÄBERE KÄKWE JA MIKARE ÑUO BOLITICA BÖTÄ, AKWA TÄRÄ ARA KÄTA NIERE MERITRE KÄKWE JA MIKARE KUKWE YEKRÄ AUNE JUTA NGÄBEKWE ARATO.

TÄRÄ NI MIKARA GOBRANE BANAMA NETE ÜKANINTE MRÄ KÄTA NIERE KRÖRE:

- Bäre kena ni ütöäte ja näre (50% merire – 50% brare) kukwe jökrä bötä ja mikare jite kitare gobrane kräke. Ja braikä kukwe yekrä iti merire aune iti brare ja näre, ye tädre ükaninte iti merire aune iti brare mokore ni mada iti brare aune iti merire mikadre.
- Ne rebadi bare ja mika bötä diputado kräke, kalte kräke, rebresentante kräke aune ja mikaka consejal kräke, ne kwrere arato rebadi bare ja mika bötä kukwe bolitika bötä.
- Arato tä niebare abokon bartido bolitika käkwe ngwian mikare 20% näre kukwe ja tötikara aune ja ükatera kräke, ye mikadre ngüörara meritre tötikara.

ÜTÜÄTE KRI NI NGÄBEKWE JA MIKARE KUKWE NETE KRÄKE NIETA KRÖRE:

- Ni iti sribikä ja mika bötä gräbiti tädre ye noaire kä tärä ükaninante täräre ni ngäbekrä ye kanti.
- Ngite kitadre kukwe nuen bata blo, kwan bata bolitika rüere nitre merire aune brare kräke, ne kukwe jeñe ni ngäbekwe bötä, aune köböe bare kä kri biti ye kwrere.

LEY 184 KÄI NOVIEMBRE 2020 KUKWE NUEN BLO BOLITIKARE YE BÖTÄ

YE KÄTA KUKWE BRAIRE KÄNE, NGITE KAKAKA AUNE DRE NAKAINKÄ BLO YE DIANKA GÄRE BOLITIKA MERITRE RÜERE BÄ NEBE ÑUO ERERE, JA BÄ MIKA BLO AUNE DRE NUEN BLO NI MADA KÄBITI, YE ÑUO NIERABE ERERE.

TÄRÄ NETA KUKWE MIKE KETEITI METRE NITRE MERIRE KRÄKE ABOKON KRÖRE:

- Kukwe raba nakainkä blo bolitika biti meritre rüere kä täräte, kä nunankrä ketetitibe te, arato kä jökrä ni ngäbekwe biti, aune ja kändi, ja mäkädi, ja di biandi kwe dre erere mikare ütöäte, kwe ni nünen jene jene, ni töe jene ye erere mika rabadre ütöäte, ne kwrere kukwe rebadre ükaninte bä ngrabe ja tari ne gwiri aune kükeni. Nünan ni bä kabre ja ngötäite kwe erere.



British Embassy
Panama



PN
UD